

ხელშეკრულება №65
სახელმწიფო შესყიდვის შესახებ
(ელექტრონული ტენდერი) - NAT190020052

ქ. თბილისი

სსიპ საფინანსო-ანალიტიკური სამსახური (შემდგომში - „შემსყიდველი“), წარმოდგენილი სამსახურის უფროსის მოადგილის გიორგი ზაბაიშვილის სახით და შპს „დელტა კონსალტინგი“ (შემდგომში - „მიმწოდებელი“) წარმოდგენილი მისი დირექტორის გიორგი ჯალიაშვილის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ჟ“ ქვეპუნქტის საფუძველზე, ვთანხმდებით შემდეგზე:

1. გამოყენებული ტერმინების განმარტებები

1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დედ“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

წინამდებარე ხელშეკრულების საგანია დანართი N1-ით გათვალისწინებული სსიპ საფინანსო-ანალიტიკური სამსახურის მონაცემთა შენახვის და დამუშავების ცენტრისათვის მოდულური უწყვეტი კვების წყაროს სისტემა (Modular UPS System) თანმდევი მომსახურებით (დემონტაჟი/მონტაჟი/ინსტალაცია/ექსპლუატაციაში გაშვება) - CPV 31154000;

3. ხელშეკრულების ღირებულება

1. ხელშეკრულების საერთო ღირებულება შეადგენს 247,000.00 (ორას ორმოცდაშვიდი ათასი) ლარს.
2. საქონლის ღირებულება მოიცავს როგორც გასაწევი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
4. საქართველოს სამოქალაქო კოდექსის 398-ე მუხლით გათვალისწინებული პირობების დადგენის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

1. მიმწოდებელი ვალდებულია:

- ა) უზრუნველყოს ხელშეკრულების მე-2 მუხლით გათვალისწინებული საქონლის მიწოდება თანმდევი მომსახურებით (მონტაჟი/ინსტალაცია) წინამდებარე ხელშეკრულების ძალაში შესვლიდან 40 (ორმოცი) დღის დღის განმავლობაში, შემდეგ მისამართზე: ქ. თბილისი გორგასლის ქუჩა №16.
- ბ) უზრუნველყოს ძველი/არსებული უწყვეტი კვების წყაროს (UPS-სისტემა - Eaton 4 Powerware 9355) დემონტაჟი და მის ადგილას წინამდებარე ხელშეკრულების მე-2 მუხლით გათვალისწინებული საქონლის მოდულური უწყვეტი კვების წყაროს სისტემის (Modular UPS System) მონტაჟი, ინსტალაცია და ექსპლუატაციაში გაშვება მონაცემთა შენახვის და დამუშავების ცენტრის სამუშაო პროცესის შეფერხების გარეშე.

გ) უზრუნველყოს წინამდებარე ხელშეკრულების მე-2 მუხლით გათვალისწინებული საქონლის მოდულური უწყვეტი კვების წყაროს სისტემის (Modular UPS System) თანმდევი მომსახურების (დემონტაჟი/ მონტაჟი/ინსტალაცია/ ექსპლუატაციაში გაშვება) განხორციელება, საკუთარი ხარჯებით, ყველა საჭირო დამატებითი მასალის და კომპონენტების ჩათვლით, ამასთან, მისაწოდებელი საქონლის მონტაჟის დროს, მიმწოდებელმა უნდა უზრუნველყოს-მინიმუმ შეინარჩუნოს არსებული UPS-სისტემის იატაკიდან დაშორების დონე.

დ) განახორციელოს ტექნიკური მომსახურება საგარანტიო პერიოდში, საკუთარი ხარჯებით, ყოველ 3 (სამი) თვეში ერთხელ, კერძოდ: 1) 2020 წლის 20 მარტს, 2) 2020 წლის 20 ივნისს, 3) 2020 წლის 21 სექტემბერს, 4) 2020 წლის 21 დეკემბერს.

ე) წინამდებარე მუხლის, პირველი პუნქტის, „დ“ ქვეპუნქტით განსაზღვრული ტექნიკური მომსახურება გულისხმობს სისტემის ინსპექტირებას, ტესტირებას, აღმოჩენილი ხარვეზების და უწყვეტობის აღმოფხვრას (მარაგანაწილების ჩათვლით);

ვ) საგარანტიო პერიოდში შემსყიდველის წერილობითი ან/და სატელეფონო შეტყობინების მიღებიდან დაუყოვნებლივ, მაგრამ არაუგვიანეს 6 (ექვსი) საათის განმავლობაში განახორციელოს მოწოდებული საქონლი შემოწმება/ინსპექტირება;

ზ) ყოველი გვერდური ტექნიკური მომსახურების თუ ავარიული გამოძახების შემდგომ, 2 (ორი) სამუშაო დღის განმავლობაში, განახორციელოს შემსყიდველისათვის წერილობითი ანგარიშის მიწოდება და მასში ტექნიკური მდგომარეობის შესახებ - შემოწმების შედეგების/დასკვნების, შესრულებული სამუშაოების, აღწერის, ასევე მთლიანობაში სისტემის და მისი ცალკეული კომპონენტების მწყობრიდან გამოსვლის თავიდან ასაცილებლად ზოგადი რეკომენდაციების გაცემა;

თ) მიწოდებული საქონლის თანმდევი მომსახურება (მონტაჟი/ინსტალაცია, სინქრონიზაცია და ექსპლუატაციაში გაშვება) განახორციელოს მიწოდებული საქონლის მწარმოებელი კომპანიის სერტიფიცირებული ან/და კვალიფიციური სპეციალისტ(ებ)ის/ინჟინერ(ებ)ის მიერ, რომელ(ებ)იც სერტიფიცირებულ(ებ)ი ან/და კვალიფიციურ(ებ)ი იქნება კონკრეტულად მიწოდებული საქონლის ბრენდის/კომპანიის პროდუქტის ინსტალაცია/მომსახურებაზე, მათ შორის შპს „დელტა კონსალტინგი“-ის თანამშრომლის რევაზ დგებუაძის მიერ;

ი) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

კ) ხელი შეუწყოს შემსყიდველს ინსპექტირების განხორციელებაში.

ლ) განახორციელოს ამ ხელშეკრულებითა და მოქმედი კანონმდებლობით მასზე დაკისრებული სხვა ვალდებულებები.

2. შემსყიდველი ვალდებულია:

ა) განახორციელოს ამ ხელშეკრულებით მასზე დაკისრებული ვალდებულებები.

3. მიმწოდებელს უფლება აქვს:

ა) მოსთხოვოს შემსყიდველს გაწეული საქონლის ღირებულების ანაზღაურება ხელშეკრულებით გათვალისწინებული პირობებით;

4. მხარეები კისრულობენ ვალდებულებას წინამდებარე ხელშეკრულებასთან დაკავშირებული ნებისმიერი მიმოწერა აწარმოონ წერილობით ან/და ელექტრონული ფოსტის (მიმწოდებლის ელექტრონული ფოსტის მისამართ(ებ)ი: gmirotadze@dc.ge; george@dc.ge; david@dc.ge შემსყიდველის ელექტრონული ფოსტის მისამართ(ებ)ი: L.Kvantaliani@mof.ge; M.Janikashvili@mof.ge; I.Bakhtadze@mof.ge) მეშვეობით.

5. ხარისხი და გარანტია

1. მიწოდებული საქონლი უნდა იყოს ახალი, მისი ხარისხი უნდა შეესაბამებოდეს ამ სფეროში დადგენილ სტანდარტებს (ასეთის არსებობის შემთხვევაში) და წინამდებარე ხელშეკრულებაში განსაზღვრულ მაჩვენებლებს.

2. მიწოდებულ საქონელზე გარანტია ვრცელდება, ხელშეკრულების მე-7 მუხლის შესაბამისად მიღება-ჩაბარების აქტის გაფორმებიდან - 5 (ხუთი) წლის განმავლობაში, 24x7- ზე ტექნიკური მხარდაჭერის სერვისით. მიწოდებული საქონლის ნებისმიერი, მათ შორის ბატარეების დაზიანების შემთხვევაში, მიმწოდებელი ვალდებულია საკუთარი ხარჯებით აღმოფხვრას ყველა გამოვლენილი ხარვეზი/დაზიანება, შეტყობინების მიღებიდან არაუგვიანეს 6 (ექვსი) საათის განმავლობაში, ხოლო გამოწვევის შემთხვევაში დასაბუთებულად მინიმალურ გონივრულ ვადაში (შემსყიდველთან შეთანხმებით), მაგრამ არაუგვიანეს 72 (სამოცდათორმეტი) საათისა. ამასთან ნებისმიერ დაზიანებული საქონელი, მათ შორის სისტემის ბატარეები, მიმწოდებელმა უნდა ჩაანაცვლოს მწარმოებელი კომპანიის მიერ რეკომენდირებული საქონლით.

3. საგარანტიო პერიოდში მიმწოდებელმა, მიწოდებული საქონლის დაზიანებული/ჩასანაცვლებელი ბატარეების შესახებ (ასეთის არსებობის შემთხვევაში) ინფორმაცია, უნდა დაადასტუროს მწარმოებელი კომპანიის მიერ გაცემული ოფიციალური წერილობითი დოკუმენტით (რეკომენდაციით), აღნიშნული დოკუმენტი მიმწოდებელმა, სამსახურში უნდა წარმოადგინოს დაზიანებული/ჩასანაცვლებელი ბატარეების (ასეთის არსებობის შემთხვევაში) ჩანაცვლებამდე;

4. საგარანტიო მომსახურება განხორციელდება ქ. თბილისში, გურამიშვილის გამზირი N64-ში მდებარე საგარანტიო სერვის ცენტრში.

6. ხელშეკრულების შესრულების კონტროლი

1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ხელშეკრულების მოქმედების მთელ პერიოდზე.

2. ინსპექტირებას განახორციელებენ შემსყიდველის მიერ განსაზღვრული პირი ან პირთა ჯგუფი, რომელთაც შეუძლიათ ინსპექტირება განახორციელონ როგორც ინდივიდუალურად, ასევე ერთობლივად;

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია შეტყობინების მიღებიდან, არაუგვიანეს 6 (ექვსი) საათისა, ხოლო გამონაკლისის შემთხვევაში დასაბუთებულად მინიმალურ გონივრულ ვადაში (შემსყიდველთან შეთანხმებით), მაგრამ არაუგვიანეს 72 (სამოცდათორმეტი) საათისა გამოასწოროს წუნი. იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული წუნდებული საქონლის ღირებულება.

7. მიღება-ჩაბარების წესი

1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.

2. შემსყიდველის მხრიდან საქონლის მიღებას აწარმოებს: სსიპ საფინანსო-ანალიტიკური სამსახურის ადმინისტრაციული დეპარტამენტის უფროსი.

8. ანგარიშსწორება

1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

2. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

9. ხელშეკრულების შესრულების შეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

1. წინამდებარე ხელშეკრულების პირობების შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების 20%-ის ოდენობით.

2. წინამდებარე ხელშეკრულების პირობების ნაწილობრივ შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების არაუმეტეს 10%-ის ოდენობით.

3. წინამდებარე ხელშეკრულების პირობების არაჯეროვნად შესრულების შემთხვევაში (მათ შორის, ხელშეკრულების მე-4 მუხლის პირველი პუნქტის „ა“, „დ“, „ვ“, და „ზ“ ქვეპუნქტებით ან/და მე-5 მუხლის მე-2, პუნქტის ან/და ხელშეკრულების მე-6 მუხლის მე-3 პუნქტით განსაზღვრული ვადების გადაცილების შემთხვევაში) მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე ხელშეკრულების ღირებულების 0.02%-ის ოდენობით.

4. წინამდებარე ხელშეკრულებით განსაზღვრულ შემთხვევაში შემსყიდველი უფლებამოსილია შეწყვიტოს ხელშეკრულება მიმწოდებელთან და მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. ხელშეკრულების შესრულების გარანტია

1. ხელშეკრულების შესრულების უზრუნველყოფის საბანკო გარანტია #PE45150-19 12 ნოემბერი 2019 წ. (გაცემული სს „საქართველოს ბანკი“-ს მიერ) გამოიყენება, მიმწოდებლის მიერ ხელშეკრულების ნაკისრი ნებისმიერი ვალდებულების შეუსრულებლობისათვის;

2. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის დამტკიცების შესახებ“ 34-ე მუხლის მე-2 პუნქტის „ა“ ქვეპუნქტის შესაბამისად, ტენდერში გამოყენებული ხელშეკრულების შესრულების უზრუნველყოფის საბანკო გარანტია შეადგენს ხელშეკრულების საერთო ღირებულების 2%-ს (4,950.00 (ოთხი ათას ცხრაას ორმოცდაათი) ლარი), ხელშეკრულების შესრულების უზრუნველყოფის საბანკო გარანტიის მოქმედების ვადა განისაზღვრება 2020 წლის 17 თებერვლის ჩათვლით.

3. მიმწოდებლის მიერ წინამდებარე ხელშეკრულებით ნაკისრი ვალდებულების სრულად შესრულების შემდგომ იგი უფლებამოსილია მოსთხოვოს შემსყიდველს აღნიშნული საბანკო გარანტიის უკან დაბრუნება.

13. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

2. თუ ასეთი მოლაპარაკებების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონმდებლობით დადგენილი წესით.

14. ხელშეკრულების შეწყვეტა

1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

1. წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2020 წლის 20 თებერვლის ჩათვლით.

2. წინამდებარე ხელშეკრულების შესაბამისი მუხლები რომელთა მოქმედების ვადებიც აღემატება მე-15 მუხლის პირველი პუნქტის მოქმედების ვადას ძალაშია მათ სრულ შესრულებამდე.

16. სხვა პირობები

1. წინამდებარე ხელშეკრულება შედგენილი და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

2. ხელშეკრულებაზე თანდართული დანართი N1, წარმოადგენს წინამდებარე ხელშეკრულების განუყოფელ ნაწილს და განიხილება მასთან მთლიანობაში.

17. მხარეთა რეკვიზიტები:

შემსყიდველი

სსიპ საფინანსო-ანალიტიკური სამსახური
მისამართი: ქ. თბილისი, გორგასლის ქუჩა N16
ტელეფონი: 032 226 1072, 032 226 1095
ელ. ფოსტა: z.begishvili@mof.ge; l.kvantaliani@mof.ge;
საბანკო რეკვიზიტები: ანგ. 200122900
სახელმწიფო ხაზინა, კოდი 220101222
სკ - 204577813

მიმწოდებელი

შპს „დელტა კონსალტინგი“
მისამართი: ქ. თბილისი, ლვოვის ქუჩა N 72
ტელეფონი: (+995) 577 57 88 11
ელ. ფოსტა: sales@delta-consulting.ge
საბანკო რეკვიზიტები: ანგ. GE62 TB74 3873 6020 1000 03
სს „თიბისი ბანკი“, კოდი TBCBGE22,
სკ - 401992162



შესყიდვის ობიექტი	ძირითადი მახასიათებლები	მოდელი	მწარმოებელი ქვეყანა	მწარმოებელი კომპანია	რაოდენობა (კომპლექტი)	ერთ. ფასი (ლარი)	საერთო ღირებულება (ლარი)
სიბ საფინანსო-ანალიტიკური სამსახურის მონაცემთა შენახვის და დამუშავების ცენტრისათვის მოდულური უწყვეტი კვების წყაროს სისტემა (Modular UPS System) თანმდევი მომსახურებით (დემონტაჟი/მონტაჟი/ინსტალაცია/ექსპლუატაციაში გაშვება)	CENTIEL UPS system Centiel CumulusPower CP250; Frame CAB-CP251-E-B0-S2; 10xIM10/20/25, (No internal Batt), Max power 250kW (CAB-CP251-E-B0-S2); 6xintelligent Module Cumuluspower IM20 (20kW) (6xIM20); ACG-CS141-PROSNMP adapter professional (Slot); 2xBattery Cabinet; ავტონომიური მუშაობის დრო 80 კილოვატ დატვირთვაზე 20 წუთისა	UPS system Centiel CumulusPower CP250	შვეიცარია	Centiel S.A.	1	247,000.00	247,000.00

შესყიდველი



მიმწოდებელი

[Handwritten signature]

[Handwritten signature]